

Na osnovu Zakona o igrama na sreću („Službeni list FBiH" br. 48/15 i 60/15), Pravilnika o sadržaju pravila uslova i načina privređivanja nagradnih igara („Službeni list FBiH" br. 30/16), „Polo“ d.o.o. trgovina i ugostiteljstvo export-import, donosi:

**PRAVILA NAGRADNE IGRE
„Polo nagrađuje Vašu vjernost“**

Član 1.

Privredno društvo Polo d.o.o. Kalesija, Kurtići bb, 75260 Kalesija, ID 4209073120005 organizuje nagradnu igru pod nazivom **„Polo nagrađuje Vašu vjernost“**

Član 2.

Nagradna igra se organizuje u svrhu propagande i poboljšanja prodaje robe i usluga iz asortimana organizatora.

Član 3.

Nagradna igra se organizuje u periodu od 22.12.2016. do 29.12.2017. godine, na području Federacije BiH.

Nagradna igra se sastoji od 4 (četiri) kruga, a izvlačenje nagrada, iz svakog kruga, obavljat će se u prostorijama društva Polo ili u prostorijama lokalnih medija.

Izvlačenje nagrada će biti javno.

Član 4.

Pravo učešća u nagradnoj igri imaju sva fizička lica koja izvrše kupovinu roba i usluga u vrijednosti 20 KM i više u poslovnim jedinicama Organizatora, te upišu potrebne podatke na poleđini računa (ime i prezime, adresu i broj telefona), i ubace račun u kutiju predviđenu za to.

U nagradnoj igri ne mogu učestvovati zaposleni u Polo d.o.o. kao ni članovi koji sa njima žive u istom domaćinstvu.

Svaki učesnik može imati neograničen broj kupona, ako zadovoljava stav 1. člana 4. pravila nagradne igre.

Član 5.

Ukupan nagradni fond iznosi 29.427,96 KM.
Sve nagrade su sa uračunatim i plaćenim PDV-om.

Glavna nagrada:

1 x AUTOMOBIL Škoda Fabia , ukupne vrijednosti 17.300,00 KM

Nagradna igra se sastoji od 4 (četiri) kruga, u 22 (dvadesetdva) termina, a izvlačenje nagrada, iz svakog kruga, obavljat će se u prostorijama društva Polo ili u prostorijama lokalnih medija. Izvlačenje nagrada će biti javno.

Fond ostalih nagrada koje utvrđuje Organizator nagradne igre je sljedeći:

- 8 x LED TV Philips 32" vrijednosti 361,53 KM , ukupne vrijednosti 2892,24 KM
- 8 X MOBITELE SAMSUNG vrijednosti 291,33 KM, ukupne vrijednosti 2330,64 KM
- 8 X BICIKL vrijednosti 250,00 KM, ukupne vrijednosti 2000,00 KM
- 38 X POKLON BON ZA TEHNIČKI PREGLED VOZILA U VRIJEDNOSTI 60,66 KM ukupne vrijednosti 2305,08 KM
- 8 X POKLON BON ZA KUPOVINU U OBJEKTIMA POLO DOO U VRIJEDNOSTI 50 KM, ukupne vrijednosti 400,00 KM.
- 110 X POKLON BON ZA TOČENJE GORIVA U VRIJEDNOSTI 20,00 KM, ukupne vrijednosti 2200,00 KM

Izvlačenje nagrada obaviti će se u 22 termina i to sljedećom dinamikom:

- Prvi krug izvlačenja će se obaviti u 7 termina u periodu od 01.04.-30.06.2017, godine za račune pristigle do 31.03.2017. godine.
Nagradni fond za prvi krug: 7 (sedam) LED TV Philips 32", 12 nagrada za tehnički pregled vozila, 2 poklon bona za kupovinu u objektima Polo doo, 35 poklon bonova za točenje goriva .
Izvlačenje će se obaviti javno, putem NDTV i to pred komisijom sastavljenom od predstavnika firme i nezavisnog člana a imena dobitnika će biti objavljena u roku dva dana od dana izvlačenja na internet stranici www.polo.ba.
- Drugi krug izvlačenja će se obaviti u 7 termina u periodu od 01.07.-30.09.2017, godine za račune pristigle od 01.04.-30.06.2017..
Nagradni fond za drugi krug: 7 (sedam) bicikala, 12 nagrada za tehnički pregled vozila, 2 poklon bona za kupovinu u objektima Polo doo, 35 poklon bonova za točenje goriva.
Izvlačenje će se obaviti javno, putem NDTV i to pred komisijom sastavljenom od predstavnika firme i nezavisnog člana a imena dobitnika će biti objavljena u roku dva dana od dana izvlačenja na internet stranici www.polo.ba.

- Treći krug izvlačenja će se obaviti u 7 termina u periodu od 01.10.-29.12.2017.godine za račune pristigle od 01.07.-30.09.2017.godine.
Nagradni fond za treći krug: 7 (sedam) mobitela SAMSUNG , 12 nagrada za tehnički pregled vozila, 2 poklon bona za kupovinu u objektima Polo doo, 35 poklon bonova za točenje goriva.
Izvlačenje će se obaviti javno, putem NDTV i to pred komisijom sastavljenom od predstavnika firme i nezavisnog člana a imena dobitnika će biti objavljenja u roku dva dana od dana izvlačenja na internet stranici www.polo.ba.
- Četvrti krug izvlačenja će se obaviti 29.12.2017, godine za račune pristigle od početka nagradne igre.
Nagradni fond za četvrti krug: 1 (jedan) LED TV Philips 32", 1 (jedan) bicikl, 1 (jedan) mobitela SAMSUNG, 2 nagrada za tehnički pregled vozila, 2 poklon bona za kupovinu u objektima Polo doo, 5 poklon bonova za točenje goriva, i glavna nagrada automobil **Škoda Fabia**.
Izvlačenje će se obaviti javno, putem NDTV i to pred komisijom sastavljenom od predstavnika firme i nezavisnog člana a imena dobitnika će biti objavljenja u roku dva dana od dana izvlačenja na internet stranici www.polo.ba.

Računi koji nisu izvučeni u nekim od prva tri kruga direktno se prenose u četvrti krug.

Član 6.

Učesnici nagradne igre o istoj će biti obaviješteni putem štampanih i elektronskih medija, kao i putem plakata koji će biti istaknuti na prodajnim mjestima Polo d.o.o.
Imena dobitnika biti će objavljena u roku od 48 sati od pojedinog izvlačenja na web stranici www.polo.ba, a svaki dobitnik će biti pismenim putem obaviješten o dobivenoj nagradi u roku od 48 sati od dana izvlačenja dobitnika nagrada.
Učesnici ujedno pristaju da se njihova imena i prezimena, adresa, broj telefona i slika mogu javno prikazati u reklamne svrhe firme Polo doo.

Član 7.

Rok za preuzimanje nagrada iz nagradne igre je 30 dana od dana prijema pisane obavijesti o osvojenoj nagradi. Mjesto preuzimanja je u sjedištu društva Polo d.o.o. Kalesija, Kurtići b.b.
Ukoliko dobitnik u propisanom roku ne preuzme nagradu, isti će biti u roku 8 dana pismenim putem obaviješten, a naknadni rok za preuzimanje nagrada je 8 dana od dana primitka obavijesti.
Nakon proteka roka iz st.2. ovog člana, nagrade se neće moći preuzeti.
Svi dobitnici su dužni svoj identitet, prilikom preuzimanja nagrade, potvrditi ličnom kartom ili ličnom kartom jednog od roditelja, ukoliko su maloljetni.

Član 8.

Ispravnost izvlačenja nagrada će nadgledati komisija u sastavu:

- 1 nezavisni član
- 2 predstavnika privrednog društva "Polo" d.o.o. Kalesija;

Komisija će provjeriti jesu li ispunjeni svi uslovi iz ovih Pravila. Tokom izvlačenja sačinut će se zapisnik, kako je predviđeno članom 12. Stav 4. Pravilnika o sadržaju pravila, uvjetima i načinu priređivanja nagradnih igara, Službene novine FBiH broj 30.

Izvučeni računi koji ne ispunjavaju uvjete iz ovih pravila neće se uzimati u obzir niti će se objavljivati imena tih dobitnika, a isti će se posebno zapisnički utvrditi.

Član 9.

Organizator može prekinuti nagradnu igru samo uslijed nastupa više sile ili okolnosti koje se nisu mogle predvidjeti, izbjeći ili otkloniti i na koje se nije moglo utjecati.

Organizator će o prekidu nagradne igre obavijestiti javnost putem medija.

Član 10.

Dobitnici nagrada nemaju pravo tražiti isplatu novčane protuvrijednosti osvojene nagrade i ne mogu prenijeti nagradu na druge osobe.

Član 11.

Ova pravila nagradne igre će se nakon dobijenog odobrenja od strane Ministarstva finansija FBiH najmanje 7 (sedam) dana prije početka nagradne igre objaviti u jednom dnevnom listu koji se distribuira na teritoriji FBiH.

Rješenje broj: 05-14-2-970/16-ap od 29.11.2016.godine.

Član 12.

Organizator ne preuzima plaćanje naknade ili bilo kakvog troška vezanog za preuzimanje nagrade, a preuzimanjem nagrade prestaju dalje obaveze organizatora prema nagrađenim.

Član 13.

U slučaju eventualnog spora između organizatora i učesnika, nadležan je Općinski sud u Kalesiji.

